

abonnement pour un an

350 Piastres

Edition spéciale. 500 ptrs.

Adresse :

« Idjtihad » Constantinople

Téléph. St. 865

XXIII ème ANNÉE

15 Avril 1928 No. 250

اجتهاد

علمی، ادبی، اقتصادی، صناعی، صمی مجموعہ

آبونمان : سنه لکی [24 نسخه]

تورکیا ایچون 2 بیجی، خارج ایچون 3 بیجی، اعلا کاغذ لیس 5 لیرادر.

اداره خانه سی :

جفال اوغلنده « اجتهاد نهوی »

تلفون : استانبول ۸۶۵

یکرمی اوچنجی سنه

نومرو ۲۵۰ - ۱۵ نیسان ۹۲۸

اقتصادی ستون:

نقد اداری

سرنامه مقال اولان نقد اداری تعبیریه دولت ویا ممائی بر مؤسسه طرفندن موقع تداوله چیقارلمش برنوع نقد قبیلدن برشی قصدا یته یوز. بوتعبیری فرانسزجه Monnaie dirigée تعبیری مقابلی اوله رق استعمال ایدی یوز. فیاتلرک سسویه عمومیه سنی بو یوک تموجاندن و بو صورتله پیاسه یی بجرانلردن قورتارمق مقصدیه بعض اقتصاد یون الده کی پاره نک قوه اشترا- ثیه سنی ایستدیکمز کی سوق واداره ایتک ممکن اولدیغی تصور وادعا ایتکده درلر . بو تصور وادعایه کوره قوه اشترا ثیه سی ایستلیدی کی سوق واداره ایدیه بیلک ممکن اولان پاره یه نقد اداری دینلیدی کی فیاتلری، مطلوب اولان سسویه عمومیه ده طوق ایچون متخذ تدابیرک هیأت عمومیه سنه ده نقد اداری سیاستی دینلکده در .

* *

کاغذ پاره نک مالی ، اقتصادی ، سیاسی ، اخلاقی ، اجتماعی بر چوق محذورلری وارددر . بو محذورلرک اک مهملرندن بریخده قیمتنده کی قرار سزاق تشکیل ایدر . پاره نک قیمتنده کی قرار سز- لقدن جمعیتک هان هر طبقه سی آیری آیری متأثر ومتضرر اولور [*] . بوکا بناء درکده هیچ کسه کاغذ پاره ایستمز . هرکس آلتون دورخی تحیرله یاد ایدر .

قبل الحرب اکثر ملتلرجه متخذ اولان آلتون اساسنه مستند پاره تموجاندن تماماً آزاده میدی؟ بوکا علی الاطلاق اوت دیه میز . اساس اعتباریه آلتون ده تموجدن آزاده دکلدی . فقط آلتونک بر نقطه ثابته اطرافنده کی تموجات قیمیه سی زمان ومکان اعتباریه اوقدر آزدی که عاداتا غیر محسوسدی دنیه بیلیر . معلومدرکه آلتون بر مقیاس قیمر ، یعنی قیمتلرک اولچوسیدر . فقط عین زمانده اوده بر مال ، بر متاعدر . مال ومتاع اولسی دولایسیله آلتونکده بر پیاسه سی ، تابع اولدینی بر عرض

[*] اجتهادک ۱۵ مارت ۱۹۲۸ تاریخلی نسخه سنه ده کی « عاده قیمت وثبیت قیمت اصولاری » مقاله سنه باقیکز .

و طلب قاعده سی وارددر . بو قاعده یه تبعاً اونکده قیمتی کاه اینر ، کاه چیقاردی . ۱۹ نجی عصرک صوکلریله یکرمنجی عصرک مبادیسنده آلتون قیمتنده کی تموجاتی شویله بر جدوله اراهه ایدیورلر:

(۱۹۰۱ — ۱۹۱۰ دوره سی ۱۰۰ اعتباریه)

۱۸۸۱ — ۱۱۷ ۱۹۰۲ — ۹۴

۱۸۸۷ — ۹۲ ۱۹۰۷ — ۱۰۹

۱۸۸۹ — ۱۰۰ ۱۹۰۸ — ۱۰۱

۱۸۹۶ — ۸۲ ۱۹۱۲ — ۱۱۸

۱۹۰۰ — ۹۹ ۱۹۱۳ — ۱۱۶

۱۹۱۴ — ۱۱۸

دیمک اولیور که مقیاس قیم اوله رق قبول ایتدیکمز آلتونده ده بر ثبات واستقرار یوقش . حالبوکه بر اولچوده آرائان اک برنجی وصف و شرط او اولچونک ثابت ومستقر اولسی در . مترو هر زمانده ، هر مکانده مترودر . لسانزده کی ، حلب اوراده ایسه آرشون بوراده ! سوزی بونی بلیغ بر شکله افاد ایدر . بو کون چارشودن بر طوب قوماش آلبرز، اولچرز: ۲۸ آرشون کلیر . یارین خبرن اولمادن یاریسی کسیلوب آلتون اولان بو طویک کیری قالاتی آرشونه اوردیغمز زمان قوماشک بوینی بودفعه البته ۲۸ آرشون بولایز اکسیک بولورز . بو تقدیرده ، عجبا آرشونک بوینی اوزادی ؛ دیمک بالطبع خاطر من کزن . چونکه آرشون دونکی آرشوندر ، دیکشمسنه امکان یوقدر . حالبوکه آلتون بویه دکلدر . زمان اولورکه آلتونک بوینی حقیقه اوزانیر ، حقیقه قیصایر . مثلاً برسنه ترانسوالده فضله آلتون استحصالاتی اولور . آلتون تکمیل جهانده قیمتندن بر مقدار ضایع ایدر و یا خود او سنه آلتون استحصالاتی احتیاج و طلبه نسبتاً آز اولور ، آلتونک قیمتی ترفع ایدر .

بتون بو تموجاته رغمّاً اون طفوزنجی عصرده آلتون ،

دوغروسی عمومی مشعره بویوک تحولات و موجات کوسترمهک به بشلادی زماڼ پیاښه نه یوله وثر اولوب فیثاثری غیر متحرک بر حالده طومغه سې ایده جک ؟

تداوله کی پاره نک وبانقه قره دیس نک مقداریڼی پیاښه ده کی ایشلرک دقداروسعتی ایله تألیف ایتک صورتیله، دیورلر و مرکز بانقه سنک بو خصوصده استعمال ایده جکی وسائلی ده ایکی نوع اوله رق کوستر بیورلر : بری اسقونطو فیاتی ، دیکری قیم منقوله فروخت و اشتراسی .

۱ - اسقونطو فیاتی — شمدي به قدر مرکز بانقه لری آنجق معدنی موجودلریڼی محافظه مقصدیله اسقونطو فیاتی اوزرنده اوینا یورلر دی . قاصه لرنده کی آلتون آزماغه باشلادی اسیقونطو فیاتی یو کسه لیرلر ، آلتون چوغالغه باشلادی اسیقونطو فیاتی تنزیل ایدرلر دی . غایه یالکز آلتونلریڼی محافظه ایدی . بوندن بویله بانقه لر لرنده کی بو اسقونطو فیاتی واسطه سنی فیاتلرک تهیتنه ده خادم قیلا بیورلر ، دها دوغروسی وظیفه لری خادم قیلمق ولیدر . نه شکله ؟

فیاتلر یو کس لکه باشلادی رسمی بانقه اسقونطو فیاتی ده یو کس لملی ، نا که بویوکسک فیات (یوکسک فاض) قارشیدنه قره دی طابنه پیاښه نک رغبتی آزالسون ، بو صورتله پیاښه ده کی پاره نک مقداری تناقص ایتسون ، ایشلر اسکی کره یسنی غائب ایتسون و بالنتیجه فیاتلر ده دوشسون .

فیاتلر ده تنزل مشاهده ایدلایکی تقدیرده اسقونطو فیاتی ده تنزیل ایتک ، بو صورتله پیاښه اچیلان اعتبار مقداریڼی تزید ایتک طریقله تداوله کی پاره یی چوغالتق ، فکر تشبی اوینا دیرمق ، ایشلر تازو بر کرمی و برمک و بو صورتله فیاتلری یو کس لته لازم کلیر . مرکز بانقه لری بو واسطه یی شمدي به قدر استعمال ایتمه یورلر ، دکلدی . ایدیورلر دی . فقط بو خصر صده اولو کچ دورانیلیور ، صکره اعتدال ایله حرکت اولونویوردی . چونکه غایه فیاتلر اوزرنده اوینامق دکل ، بلکه قاصه لرنده کی آلتونی حسن محافظه ایلکدی . مقصد شمدي صندوق موجودیڼی محافظه دن زیاده فیاتلری طومق اولونجه مرکز بانقه لرنک ده سرعتله حرکت کچمسې وشده حرکت ایتسی طلب اولوغنده در .

۲ - سندات فروخت و اشتراسی . — قیم منقوله فروخت و اشتراسی ده ماهیه " اسقونطو فیاتیه اوینامقدن باشقه بر شی دکلدر . چونکه بانقه لرحه اسهام ، تحویلات و سندات اشتراسی دیمک پیاښه یاره چیقارمق ، خلقک الله یاره و برمک ، پاره نک مقداریڼی تزید ایتک صورتیله افرادک قوه اشترایه سنی تزید ایتک دیمکدر . اسهام ، تحویلات و سندات فروختی دیمک ده پیاښه دن پاره چکمک ، خلقک اللدن پاره سنی آلق ، اورته ده کی پاره نک مقداریڼی تنفیص ایتک صورتیله افرادک قوه اشترایه سنی آزالتمق دیمکدر .

بالاده کی وسائله متصدک تأمین ایچون بعض شرائط عمومی نک لزوم وجودی کندیلکندن تظاها ایدر :

۱ - مملکتک پاره سی صاغلام و امور مالیه سی دوز کون اولق ؛

قیمتندن آشغایه و یا یوقاری به دوغرو $\frac{30}{100}$ دن فضله تفاوت کوسترمش دکلدی . حالبوکه حرب عمومیده ، بالخاصه حرب عمومی متعاقب فیاتلرک سویه عمومی سې ایله آلتون آره سنده کی فرقلر ، چوق مهم تبارزلر کوسترمشدر . متجده آخر بقاده فیاتلرک سویه عمومی سې - که بو مشعره ، عمومیته آلتون مشعره سی اوله رق قبول ایدلکده در - ایس ۱۹۲۰ ده (۲۴۷) به قدر چیمه شدی . بو ، آلتونک قیمتندن $\frac{60}{100}$ قدر برضیاع دیمکدر . موضوع بحث اولان سویه عمومی ۱۹۲۲ کانون ثانیسده ۹۱۲۸ قدر دوشدی . آشغای یوقاری بر بچق سنه طرفنده بو قدر بارز بر توج ایسه ، جمعیتک اقتصادی بینه سنی صارصقندن هیچ بر زمان خالی قالماز . نته کیم ۱۹۲۰ سنه سنده فیاتلر ده باشلایان عمومی تنزل جهان اقتصادیا تنده مهم بر بحرانه سبیت ویردی .

بحرانلر جمعیتک اقتصادی بینه سی ایچون بر حال مرض دیمکدر . بوحال مرض استحصالات ایله احتیاجات آره سنده ، دها بشقه بر تعبیر ایله مستحصللرک اورته به قویدینی مواد و خدمات ایله مستهلک لک قوه اشترایه سی آره سنده متکون موازنه سز لکدن ایلری به کلکده در . آره ده کی مناسبتی ده ، حقیقه ممکن اولدینی قدر یقین بر شکله تنظیمه چایشیلان ارقام مشعره جدولارندن استدلال ایدیورز .

* *

ایشته بر طرفدن آلتون ، دها شامل بر تعبیر ایله پاره قیمتنده کی توجاتی ، دیکر طرفدن بشرتی عادات منتظم دوره لده راحت سز ایدن بحرانلری نظر اعتباره آلان برطاقم اقتصاديون فیات مشمره لینه مستنداً الله کی نقدی تنظیم و اداره ایتک فکریڼی ایلری به سورمکده و حق بوفکرک برقاچ سنده دن بری آخر بقاده ساحه تطبیقاته کیرمش اولدینی ادعا ایتکده درلر .

نقداداریدن مقصد ، اورته ده کی پاره نک قوه اشترایه سنی تعبیر دیکره فیاتلرک سویه عمومی سنی ایستلایکی بر درجه ده غیر متحرک طومره ق بحرانلرک اوکنه کچمکدر . بو صورتله هم نقد ، هم امتعه ، هم مساعی (عمله اجر تلی) پیاښه سنه حاکم اولق ایستلایکده در .

صنایع عالمده هر صنعتک کندیسنه خاص وضعیتی دولایسیله او صنعت عائد محصولات و معمولاتک فیاتلری آز چوق اینوب چیمه بیلیر . نقد اداری بو خصوصی فیاتلری تنظیم ایتک فصدته دکلدر . علی العموم صنایعک فیاتلریڼی کوسترن عمومی مشعره نک درکه ممکن اولدینی قدر خفیف تبدلات و موجات کوسترمسی استداف ایتکده در . کورولویورک شمدي به قدر اشیا و خدماتک قیمتلی ، آلتونه اویدملری و او بغه چالیشدملری حالده بو دفعه آلتون اولره او بغه مجبور اولاجقدر . شیمدی به قدر آلتون مقیاس ایکن بو دفعه فیاتلرک سویه عمومی سنی مقیاس اولاجقدر .

نقداداری کی کم تنظیم و اداره ایده جک ؟ مرکز بانقه لری ! مرکز بانقه سی نه شکله وضعیته مداخله ایده جک ، دها

۲ — مملکت بافقه‌لرنده بر مرکز اولی و مرکز بافقه‌سی دیگر بافقه‌لر اوزرنده حاکم و ناظم بر وضعیتده بولتی ،

۳ — یالکز مملکت بافقه‌لری آره‌سندده دکل ، مختلف وعلاقه‌دار مملکت‌لرک مرکز بافقه‌لری آره‌سندده — فیاتلرک تثبیتی خصوصنده — برائتلاف ومطابقت تأسس ایتش اولی .

ایشته فیأت استاتستیکلری واسطه‌سیله پاره‌نک قوه اشتراکینه سنی منتظماً تعیین و فعالیت اقتصادی‌نک ایجاباته کوره پیاسهیه قره‌دی تی تقیص ویا تزید ایتک صوریه فیاتلرده بویوک تموجانک و بالتیجه بحرانلرک اوکنه کچمک فکر وادعاسنی ایلریه سورن نقد اداری طرف دارلری زمان زمان بشریتی مضطرب ایدن بحرانلره مانع اولی طریقله کرک بر ملنک کنندی افزادی آره‌سندده کی اجتماعی مجادله‌لری ، کرک ملنلر آره‌سندده کی تجاری واقفادی رقابتی ، دولایسیله سیاسی رقابتلری ده بر طرف ایدرک بین‌الملل صلح اجتماعی تی تأمین‌قندر کیده‌بیلجکری امید ایتسکده وافق خیال‌لرینی بوقدر کنیش کورمکده‌درار .

آنجق نقد اداری فکری ده ، هی یکی فکر کی برطاقم اعتراضاته معروض قالفدن قورتولمایور . بو اعتراضاتی بوجه‌آتی اجمال ایده‌بیلیرز :

۱ — نقد اداری سیستمی کیمت نظریه‌سنه بر قطعیت ریاضیه ویریور . نقطه حرکتی بودر : اورته‌ده کی پاره‌نک مقداری نزاید ایدنجه اشیا وخدماتک فیاتلری یوکسه‌لیر ، تداولده کی پاره آزالنجه خدمات و اشیا نک فیاتلری دوشر . کیمت نظریه‌سی اساس اعتباریه دوغرو اولقله برابر بر قطعیت ریاضیه ایله قیمتله حاکم اولمادیغنی ، خاصه حرب عمومیده و حرب عمومی تی متعاقب کورولن حادثات نقدیه ارائه ایتسکده‌در . بناء علیه اعتبار واسطه‌سیله اورته‌ده کی پاره مقداری آزالتوب چوغالتمقله فیاتلره تحکم ایدیلجکی ظنی ده یا کشدر .

۲ — الکشم بر طرز استحصالی اولان سربست استحصالی طریقه تبع جمعیت حاضرده منفرد مستحصالی ؛ «منفعت شخصی» تحت تأثیرنده کنندی کندینه ومنفعت عمومییه اک موافق بر شکلده فعالیت سواق و تشویق ایچون طبیعی بر قوت لازمدر ومحیط اقتصادی بوقوت ده موجوددر : مسهلکک مختلف اشیا وخدماته عطف ایتدیک «فائده» درجه‌سنه کوره متحول فیاتلره عائد قوت! فیاتلرک هیچ بر زمان طوتونامادینی بر نقطه ثابت‌ه اطرافنده کی سربست تبدلات وتموجات سایه‌سندده درکه مستحصللر استحصالاتلرینی کاه تزید ، کاه تقیص ایدرلر . بو صورتله جمعیتک ایشنه یارایان شعبات فعالیت ادامه حیات ایدر؛ ایشه یارامایان چوروک شعبات ایشه کندیلکندن آیه‌قلانیر ، کیدر . جمعیت حاضرده اجرای فعالیت ایدن بوقوت قارشی وبوقوته رغماً فیاتلری طومتق ایستمک خیالات ایله اوغراشمق دیمکدر .

۳ — سیستم طرف دارلرینک فکریلری قوه‌دن فعلا

چیفاره‌رق فیاتلری ایستدکاری کی طومتقه مونق اولدقلرینی فرض ایتسه کبیله بوحال جمعیت ایچون باعث سکون ورفاه اولماز . بالعکس اونک سیر ومشی ترقیسنی توقیف ایدرک بذیه اقتصاد دینه سنی عطالته محکوم ایتک اولور . فیاتلری طومتق دیمک ، فکر تشبیک ، فکر اختراع ، ترقی اجتماعینک اوکنه کچمک دیمکدر . مادامک فیاتلرده ، بالتیجه مستحصللرک تمملرنده بر دکیشیکک اولیه‌جق ، مستحصللرنه دیمک یورولسون ییپرانونده مصارف استحصالییه تی تقیص ایتک ، حیاتی اوجوزلاتمه وسائرده صرف مساعی ایتسون . (بوکا قارشی سیستم طرف دارلری اون طقوزنجی عصرده کی مشاهداته نظراً تقریباً اون سنه ده بر ظهور ایدن شدتلی بحرانلره مانع اولی مقصدیه فیاتلری طومتق فکرنده بولندقلرینی ، یوقسه بر عصرده اوچ درت دفعه استقامت دکیشدرن بویوک تحولاته وهردم متکمل بر اقسام مساعیدن متکون حرکت دائمیه طوقونق فکری بسلامکدن اوزاق اولدقلرینی ایلریه سورمکده‌درلر .)

۲ — فیاتلرک تکون وتشکله نقد یکانه عامل دکلدر . بر ماله عائد فیاتک تشکله نقد قدر ، او ماله عائد آز چوق ندرتکده عاملیتی وارددر . صنایعه ترقی ، یکی بر کشف ، یکی بر اختراع شو ویا بو محصولک مصارف استحصالییه سنی تقیص ایده‌بیلیر . بویه بر تقدیرده او مالک فیاتی اوزرنده نقدک عاملیتی ایکنجی درجه‌یه کچر ، اصل عامل موقعی محافظه ایدر . ایستدن درجه‌ده فیاتی طومتق ممکن اولماز . (بوعراضه بناء درکه نقد اداری طرف دارلری ده شو ویا بو محصولک فیاتلری اوزرنده دکل ، بتون اشیا فیاتلرینک سویه عمومییه اوزرنده تثبیت فکری التزام ایدیورلر .)

۵ — بر مملکت داخلنده فیاتلرک تثبیتی مسئله‌سی ، یالکز اولتی دکل ، - او ملنک ادخالاتی و اخراجاتی دولایسیله - بواذخالات و اخراجانک تعلق ایتدیکی دیگر مملکتلری ده علاقه‌دار ایدر بر مسئله‌در . متحده آسربا کی غلبه‌لک نفوسه ، واسع منابع ثروته ، بویوک سرمایه‌لره ، کتیش بر پیاسه‌یه صاحب بر مملکت استثنای ایدیلرسه تثبیت یاغق ایستین ملنلر ایچون دیگر مملکتلرله ، دیگر مملکتلرک مرکز بافقه‌لریله بو خصوصده برائتلاف تأسیسی - آره‌ده نقدی ، مالی ، اقتصادی وضعیتلرک و بالتیجه منفعتلرک تخالی دولایسیله - متعذر دینه‌جک مرتبه‌ده متعسردر .

۶ — نقد اداری حسن اداره‌ندنده محروم قلابیلیر . فیأت مشعره‌لری وبوکا مستند نقد اداری حکومتک ، سیاستک ، بر طافم منافع خصوصیه‌نک النده بازیچه اوله‌رق پیاسه‌نک کاغد یاره‌یه بوغولسی تهلک‌سنی ده داخل حساب ایلک لازم کلیر . الخ

سیستم علی‌هدارلری ، آلتون قیمتنده کی تموجانک ، نقد اداری طرف دارلرنجه اعظام ایدلکده اولدیغنی - علاوه ایدرک دیورلرک : آلتونک صوک زمانلرده ارائه ایتدیک تموجات مهمه حرب عمومی و نتایجینک تولید ایتدیک فوق‌العاده واستثنائی بر

اولونش در . بو سایه ده مصارف استحصالیه تناسف ایدرک
صانیش فیاتلری تزل ایتش، مخرجلر کنیشله مش، استحصالات
تزیاد ایتش، عمله اجرلری آرتیرلش، مستحصللرک تمعلری ده
فضله لاشه شد. آرتق آمریقاده اسکیمی کبی فیاتلرک براز
ترفعه میل ایتسی اوزرینه مستحصللر سپارش جمعی قارشیدنه
قالایورلر. هر صنف مستحصللر عقلانمشدرلر، حقیق احتیاجات
تثبیت ایلدن سپارش ویرله یور. بناء علیه اورته ده فضله
استحصال و بوندن متولد عظیم فیات موجلری ده کوروله یور.
بانقلر نزدنده قره دیدن استفاده ده معقول و معتدل شکله
یورویور. مستحصللر اولو اورته قره دی یه مراجعت ایتیه یورلر.
حقیق احتیاج نه ایسه آنجق او درجه ده اعتباردن استفاده
ایدیورلر. مستصللر بانقلره کیدوب کندیلرینه قره دی
آچدی یورلر. بانقلر مستحصللره کیدوبده قره دی آچایورلر،
بناء علیه قره دی خصوصنده وضعیتی بانقلر دکل، ایش صاحبجری
اداره ایدیورلر. حتی آمریقاده بانقلرک نقدی اداره ایتک
خصوصنده ایشه کیریشمش اولدقلری بیله شبهه لیدر. مرکز
بانقلرلرک واسطه نشر افکاری اولان مجموعه صوک سنه لرده
فیاتلرده کی نیم استقراری تدقیق و مطالعه ایدرکن نقد اداری
سیاستندن هیچ بحث ایتیه یور. بو، رسمی بر واسطه نشریه نک
اتخاذینه مجبور اولدینی احتیاط کارلره، تواضعه حمل ایداسه بیله
حادثات ده آمریقا بانقلرلرک قبل الحرب ایله بعد الحرب سیاستلری
آره سنده بر فرق کوسترمه یور. شو اعتبار ایله ذیله بیلرکه
حال حاضرده کی نیم استقرار وضعیتنده آمریقا بانقلرلرک
منحصراً دکل، باشلیجه عامل اولدقلری بیله مشکو کدر.

نه . ن

حالد. آلتون بو دوره ظرفنده معلوم اولان سوائفک تأثیرله
مختلف جمللردن قافدی، آمریقاه سفر ایتدی واوراده مرکز
ایلدی. قیمتک بوندن متأثر اولامسی ممکن دکلدی. فقط حال
طبیعی عودت ایدوبده آلتون ینه اسکی مقرلرینه عودت
ایندجه بو توجات مهمه ده کندیلکندن زائل اولاجقدر.

نقد اداری اصولک یا لکن نظر یانده قالمایوب بر قاج سنه دن
بری متحده آمریقاده ساحه تطبیقاته ده کیریش اولدینی ادعاسنه
کنجه: معترضلر بو ادعای ده قولای قولای قبول ایتیه یورلر.
دیورلرک: فی الحقیقه آمریقاده ۱۹۲۴ سنه سندن بری اقتصادی
بر رقاهله مترافق اوله رق فیاتلرده نیم بر استقراره وجوددر.
[۱۹۱۴ سنه سی ۱۰۰ اعتباریله ۱۵۲ ایل ۱۶۵ آره سنده]
فقط بو استقرار آمریقا بانقلرلرک تعقیب ایتدکاری سیاستدن
زیاده بسبتو، بشنه عواملک تحت تأثیرنده تکون ایتش، دوام
ایتکده در. آمریقایلر خاصه صوک زمانلرده فیات استاتستیکلرینه
پک چوق اهمیت ویریورلر. بر چوق مؤسسات متنوع برطاقم
مشعرلره فعالیت اقتصادی نه هر شعبه سنی تعقیب و علاقه دارلری
تنویر ایدیورلر. مستحصللر بو سایه ده کندی شعبلرینه تعلق
ایدن حادثات و تکاملاتی یقینندن تعقیبه موفق اولدقلری کبی
ماضینک درس لرندن استفاده بی ده هیچ اونو تمایورلر. بحرالنردن،
تأثیراتندن نه قدر ممکنسه او قدر آزاده قالمی ایستیورلر. خاصه
۱۹۲۰ بحرانی خاطرلرندن چیه ارمایورلر. بحرانه اوغراق
قورقوسی آمریقاده اوباب استحصالی دائمی بر تیقظ و انتباه
ایچنده بولوندورویور. بو تیقظ و انتباهک تحت تأثیرنده درکه
صوک زمانلرده آمریقاده استحصالات ده ائی تنظیم ایدلش
وما کنه قوتلرندن ده واسع ودها معقول بر شکله استفاده

عری (ابوالعلاء)

دکلردر: یا ظالمدر؛ حق اولمایان شیلری غصب ایله کچینیر.
یا مظلومدر: انصاف آزار، بولاماز:

حسب الحق من ذنوب وصفه رجلاً بالخیر وهو علی ضد الدی یصف
وقد خیرت بنی الدنیا فلیتهم او لیتنی حلتی عنهم العصف
فظالم آخذ ما لایحل له ومنصف ظل فیم لیس ینتصف

۳۸ — دنیانک سویله جک هیچ بر اهلیتی یوقدر. فقط
انسان احق بر مخلوق اولدینی ایچون اونی سور:

وماهی اهل ان یؤهل مثلها لود ولکن ابن آدم احق
۳۹ — ظاهری اولمایان برشی ایچون یارادلوق. آکلادیغوز

بر شی وار ایسه اوده بر آز یاشادقن صوکره هلاک
اوغرامقن عبارتدر:

خلقنا لشی غیر باد واما نعیش قلیلاً ثم یدرکنا الهلاک

(ابوالعلاء) نک اشعارندن:

۳۵ — طوپراق جسدی ایچنه آلدقن صوکره سوزلری
اوقو. زیرا سویله یندن سکا قاله جق خلف (اولاد) اودر:

أقرأ کلامی اذا ضم الثری جسدی فانه لک من قاله خلف

۳۶ — سکا متوکل اسمی ویرلش دیه او طور دیک یرده
رزقی بکارسک؟ اک دیندار انسان چالیشان، بر صنعتله رزق
آرایان کیمسه در:

تروم رزقا بان سموک متکلاً وادین الناس من یمی ویمجترف
۳۷ — بر آدم دیکرینی خبر ایله توصیف ایتدیکی حالده

کندیسنک عکس اخلاقده بولونامسی اونک ایچون کافی بر
قیاحتدر. دنیا خلقنی تجربه ایتدم. کاشکی اونلری، یاخود
بنی بورا آلوب کوتورسون! کوردیکم انسانلر ایکی حالدن خالی